

明英宗實錄

卷二五九至二九九
景泰六年十月至天順三年正月

大明英宗睿皇帝實錄卷之九十九廢帝祁炆王附錄第七十七

景泰六年冬十月癸卯朔 太上皇帝居南宮 帝享 太廟

以下九節連官祭
長陵 獻陵

景陵○遣中官祭司井之神○免順天府霸州

文安縣諸處所採秋青草以其連被水災也○甲辰賞甘肅石

灰壳等殺賊陣亡官軍土民三十五人銀有差○福建建寧府

通判蕭瓌為僉事沈納案其奸貪下獄瓌遂訐其奏訥淫巧事

詔巡按御史覆之○己巳賞浙江福建官軍民壯等三百六十

人綵段絹布鈔有差以勦獲強寇功也○丙午給周府鎮國將

軍子埒子埒子埒子埒歲祿各十石米鈔中半兼支○命濟陽

衛帶俸都指揮僉事簡海子茂代為本衛指揮同知○巡撫蘇

松等處左副都御史鄒來學奏蘇松等府民該納在京稅糧舊

例俱與官軍兌運後因瓦剌入寇存留官軍守備京城暫令民

運近有連被水旱民艱難乞照舊軍運為便從之○丁未給沁源王肥鄉縣主并儀賓趙珍歲六百石內本色米四石折鈔二百石○秦世子公錫奏近父王薨逝祿米一萬石例當往支臣家口浩大兼無喪葬之費乞仍舊支用從之○都察院論昌平侯楊俊丞父妾斬移審大理寺俊輒不引伏於是命三法司曹諸大臣羣鞠之辨俊欲丞未成獄上詔曰俊雖丞庶母未成終為敗倫傷化具論如律嚴錮之○己酉復除山東右叅政程信右叅議王彥成於四川布政司俱以親喪服闋故也○庚戌巡按直隸監察御史伍善奏大名縣野蠶成繭禮部以為皇上至德所召請率群臣稱賀詔免賀○山東右布政使吳存卒存江西南昌縣人由舉人任刑部主事陞雲南叅議遷湖廣叅政進布政使所至以寬厚為政時號得體○夜有流星大如

彙色青白有光起天圜西南行至天倉星沒○辛亥 命金吾左衛指揮使單威子海金吾右衛指揮使張敬子鑑羽林前衛指揮僉事張貴子俊代職○夜五鼓有流星大如椀色赤光明起北斗經行紫微垣至東藩外尾跡炸散○壬子 命內供用庫造大隆福寺佛會蠟燭五萬七千四百枝共用蠟一萬七千八百八十餘斤○命都察院分遣御史錦衣衛官校五城兵馬司官兵巡視火鋪督限捕盜時京城內外饑強盜肆行白晝殺人掠財故有是命○甲寅召商於順天府霸州等等處中鹽納米以賑飢民計中兩淮運司景泰六年借撥存積鹽二萬六千四百六十引每引納米九斗本州文安等四縣每處上米三千六十石共米一萬五千三百石該鹽一萬七千引固安等三縣每處上米一千五百石共米四千五百石該鹽五千引寶坻等二縣

每處上米二千零七石共米四千一十四石該鹽四千四百六十引○南京戶部署員外郎李永寧奏本部尚書沈翼殘忍苛刻失大體吏部尚書曹義數囑託屬官下南京左都副都御史軒輓覆之情偽相半都察院言永寧翼義俱合逮問命翼義自陳狀下求寧南京都察院鞠之○己卯賜懷仁王遜炆第四子名曰仕在第五子名曰仕斌沁源王鎮國將軍幼堪子名曰銓錦○兵部奏近得朵顏衛使臣言北虜脫脫卜花王子麻馬兒可兒吉思并毛那孩孛羅等領四萬騎欲攻阿剌知院阿剌屯坎坎地面亦聚眾三萬待之夷虜相攻勢不可兩立敗亡者必來假息近邊勝捷者必至乘勢入寇乞移文各邊總兵官多遣間諜嚴為守備從之○丙辰岷王徽燦奏母墳在南京歲久享堂墻垣傾圯乞守以內使一人從之○吏部言宣德以前尚寶

司中書舍人都給事中行人司正官凡遇考滿俱依諸司職掌從本部考覈正統以來本部誤依在京堂上官例未曾考覈因循至今乞改正仍舊考覈從之○夜月犯畢宿右服北第一星○丁巳朵顏等衛頭目兀孫帖木兒等雲南大候州土官舍人刀奉衡孟楞塞頭目招秤曩福等來朝貢馬及金銀器皿方物賜宴并絲段表裏等物有差○戊午免陝西西安等七府去年夏稅三十八萬九千九百三十餘石西安左等一十六衛所屯糧六萬四千三百四十餘石以奏被災傷故也○給大同西路馬一千四百八十匹○刑部郎中夏時正奉詔分審福建重獄之有冤者奏聞十數人特命有死充沿海衛軍時正以為若有福建沿海衛乃以聞因乞凡福建有死俱宜發北方沿海衛庶寬仁之中焉防禁之術都察院謂時正所言可從但不俟奏請

輒徑發充軍宜問其罪詔宥之○昏刻有流大如蓋赤色尾跡
有光起宵宿東行至車後三小星隨之○己未福建僑倭都指
揮僉事趙綱數納僑倭軍賂縱之休役下巡按御史盛顯論綱
絞例謫沿邊立功五年都察院謂綱宜懲依懲治軍職例降三
級從之○庚申誠孝昭皇后忌辰遣官祭獻陵○吏部言國
子監祭酒劉鉉以母喪服闋至京當復任但兩監無缺伏乞裁
處命復職○夜四鼓有流星大如盞色青白尾跡有光起天
稷星東南行近濁没五鼓有流星大如盞色青白有光起紫微
西藩內東北行至游氣炸散○辛酉刑部員外熊瓚奉詔審覈
獄於陝西以鞏昌諸州縣坐死徵糧罪人不下五六百餘中多
衣食不給請推恩典蠲之都察院謂如此則姦貪得志遷儲以
乏但宜驗具誠貧者作豐平焉從之○衍聖公孔彥縉不能諫

下族人且所舉先聖五十四代孫克勛為族長五十七代孫評
為知縣俱不協眾論於是彥縉族叔祖克昫等上疏條不彥縉
不律過惡數事彥縉亦奏克昫等恃尊欲傾己俱下巡按山東
御史等官覆之情偽相半論克昫等徒而卒不為族人所服宜
改擇之彥縉奏亦有妄請加罪詔曰先聖子孫朝廷甚優待之
念其初犯俱免罪今後務循禮法敬長慈幼不得恃貴凌尊恃
長欺賢有違國法家訓再犯必罪不宥○癸亥陞廣西思明恩
軍民府知府岑暎為右叅政先是瑛領土兵隨軍征調而以子
鎮代為知府撫夷鎮招集無賴飲血立誓殺人為令所為多不
法瑛舉發其事請於總兵等官回府治之鎮聞其父將至自縊
死事聞嘉其割愛効忠故有是命且降勅諭之○襲封衍聖公
孔彥縉字朝紳宣聖五十九代孫甫十歲襲父鑑爵 太宗皇

帝命教於太學久之遣歸 仁廟賜第於東華門正統間幸太
學有襲衣冠帶之賜明年來朝又有銀印玉帶織金麒麟之賜
至是卒年五十五 帝遣禮部主事周駿往致祭并令有司治
喪葬彥縉為人和易性嗜酒文學亦少加意孫弘緒嗣爵○甲
子復除監察御史張昊於湖廣道羅澄於山東道趙雲於南京
道俱以親喪服闋故也○命直隸鳳陽府潁州亳縣知縣徐貴
復任陞正六品俸貴任滿辭職以考稱當遷而其代者尋以憂
去邑民思貴詳明勤慎善革奸弊相率詣闕乞復其任吏部當
徇民情故有是命○乙丑修南嶽廟○丙寅翰林院編修黃諫
上大明鏡歌鼓吹十四曲以頌 太祖 太宗聖德神功之盛
命送翰林院收之○總督兩廣軍務右都御史馬昂奏天下邊
衛守備軍官畏避征調往往營求馳報邊務齎進表文赴京往

復動經年月有誤遣備乞行禁革從之○廣東都指揮同知耿全與廣西流賊戰於肇慶白沙村敗績指揮倪廣李清等俱被殺總兵官翁信帥兵往救全復力戰有功審刑御史彭烈上其功罪請裁決詔宥全死降為事官擊賊自効○丁卯命修造太常寺祭服祭器○命鑄簡儀銅壺從內官監請也○福建審刑刑部郎中夏時正言福建通番及強賊諸獄所司多牽於會問以致淹禁而死實坐者不足恤而枉者可閔請自今凡非反逆重罪涉勦威人臣奉特旨者俱不必會問都察院謂時正言可從宜通行天下諸獄原發在都布司者但會都布司官在府衛者會府衛官在按察司及巡按御史者不必會問當為問結當奏請徑以聞如有淹滯按察司及巡按御史治之詔從所議○南京大理寺右寺正向敬言臣見本寺審錄南京刑部都察院

輕重因問有情重不當斬寬駁回問理者原問及調問官往往
銜之痛肆筆楚迫其曲承是致刑獄多冤傷和召異乞 勅法
司今後本寺駁回諸因原問官務在詳讞不許筆楚及輒呈堂
調問其駁回三次者本寺照諸司職掌備其供詞移文調問或
原問官情有增減罪有出入並許舉正其罪從之○戊辰調後
軍都督僉事張欽於中軍都督府視事○己巳 命故金吾右
衛帶俸都指揮僉事任信子安代為本衛指揮使○湖廣武昌
府奏府學偏窄而與武昌道相連乞併道為學其北察院以居
刷卷御史然御史不常來可改為武昌道間遇刷卷亦可就在
其中事下工部覆奏令勘實遷徙之從之○庚午巡按湖廣監
察御史包瑛奏都指揮同知吉世英聽所部千戶囑不令守備
命續瑛巡按者執問之○辛未四川按察司僉事王儀已為巡

按御史考其昧憲體赴部當黜儀上疏陳枉都督察院謂儀無
恥請執問從之○直隸廬州府民戴庸福建邵武衛軍餘楊淳
江西臨川縣民余勝討王鼎廣攸縣民謝子隆王翰陳受輕張
泰椿王鎔彭雷震洪忠可各出穀千石以上助官賑卹賜書旌
勞復其家

大明英宗睿皇帝實錄

卷二五九

大明英宗睿皇帝實錄卷七十八廢帝郕戾王附錄第七十八

景泰六年十一月壬申朔 太上皇帝居南宮○欽天監進明

年大統曆 帝御奉天殿受之給賜親王及文武百官頒行天

下○鎮守湖廣太監梁達奏岷府庶人徽燂家僮蒙能以從徽燂

謀反竄伏苗蠻今偽稱蒙王詐為妖書糾集生苗三萬餘攻隆

里等處城兵部請移文湖廣貴州廣西總督兵等官相機撫捕

從之○癸酉陞貴州道監察御史楊宜為廣東按察司副使○

命陝西老疾都指揮同知張俊子瑛代為西江後衛指揮使○

甲戌調江西右布政使黎璉於廣東布政司廣東右布政使宋

欽於江西布政司璉初為廣東參政以捕寇功陞江西布政使

至是廣東新會縣民有以事赴京者道江西璉為之具奏草俾

僉書軍民名三千餘保已復任以慰民望吏部以為實因請更

調之故有是命○夜有流星大如杯色青白有光出文昌西行至五軍○乙亥 命監察御史葉蠻張鑑提督南北軍直隸學校時吏部都給事中李瓚言南北直隸學校俱無按察司官提督宜分遣有學行御史二員專理庶政學政不至廢弛人才有所造就事下吏部學舉二人以聞故有是命○鎮守湖廣右都督陳友巡撫尚書王永壽等俱奏苗賊攻圍隆里新化銅鼓諸城敵傷官軍事甚急乞增調官軍策應事下兵部集文武廷臣議非謀勇素著蠻夷畏服將臣無以成功因舉南和伯方瑛達官指揮使白玉以聞於是命瑛佩平蠻將軍印充總兵官玉為署都督僉事充副總兵太監阮讓陳垣監軍戶部侍郎孟鑑措置糧儲調武昌護衛及湖廣等處土達官軍付瑛等徃征之仍命戶部署郎中夏特主事閔本先途措置糧草○丙子冬至節

遣官祭 長陵 獻陵 景陵 帝詣 奉先殿 上聖皇太

后宮 皇太后宮行禮畢出御奉天殿受朝賀大宴文武群臣

及四夷朝使 上聖皇太后 皇太后 皇后俱免命婦朝賀

○命江北直隸淮安揚州等府滁州等州發贍罰銀貨糴糧以

備賑濟從巡按監察御史鄭冕請也○丁丑免直隸永平府屬

州縣并開平中屯衛今年被災地畝秋糧子粒三千五百六十

八石草五萬一千五百四十六束○戊寅設四川蒲江縣雙路

巡檢司以其地多少人強賊故也○己卯 命貴州按察司按

察使王憲冠帶聞住陞貴州按察司副使張海為按察使先是

左副都御史蔣琳等因憲老病薦海廉能守法夷民信服乞陞

按察使以慰民望至是憲以考滿至吏部具以言故罷憲而陞

海代之○先是順天府所屬近南十州縣大水受監察御史原